



Senat Univerziteta u Sarajevu u skladu sa svojom Odlukom broj: 01-12-2/20 od 01. 06. 2020. godine, a na osnovu člana 130. stav (2) tačka i) i člana 132. stav (1) Zakona o visokom obrazovanju („Službene novine Kantona Sarajevo“, broj: 33/17), te člana 59. i članova 65. do 67. Statuta Univerziteta u Sarajevu, raspisuje

KONKURS

za izbor rektora Univerziteta u Sarajevu za mandatni period 2020-2024. godine

I

Rektor rukovodi radom i poslovanjem Univerziteta u skladu sa Zakonom i Statutom. Rektor se bira na mandatni period od četiri godine.

Za rektora Univerziteta u Sarajevu može biti izabran kandidat koji ispunjava sljedeće uvjete:

1. da je državljanin Bosne i Hercegovine;
2. da je u radnom odnosu na Univerzitetu/organizacionoj jedinici Univerziteta sa punim radnim vremenom;
3. da je izabran u naučnonastavno zvanje redovnog profesora, naučno zvanje naučnog savjetnika ili u umjetničkonastavno zvanje redovnog profesora sa odbranjenim doktoratom umjetnosti odnosno nauka;
4. da nije predsjednik ili član Upravnog odbora Univerziteta u Sarajevu,
5. da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
6. da nije osuđivan za krivično djelo ili da se protiv istog ne vodi krivični postupak

Mandat rektora započinje 1. oktobra 2020. godine, a prestaje 30. septembra 2024. godine.

II

Uz prijavu na Konkurs kandidati su dužni priložiti:

1. Uvjerenje o državljanstvu Bosne i Hercegovine (ne starije od tri mjeseca);
2. Potvrdu o radnom odnosu sa punim radnim vremenom;
3. Odluku o izboru u naučnonastavno zvanje redovnog profesora, naučno zvanje naučnog savjetnika ili umjetničkonastavno zvanje redovnog profesora sa odbranjenim doktoratom umjetnosti odnosno nauka;
4. Biografiju (CV) sa bibliografijom;
5. Program rada za četverogodišnji mandatni period, u printanoj i elektronskoj verziji (CD ili USB);
6. Potpisanu i ovjerenu izjavu od strane nadležne općinske službe ili notara, kojima kandidat potvrđuje:
 - a) da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
 - b) da nije predsjednik ili član Upravnog odbora Univerziteta u Sarajevu;
 - c) da uredno ispunjava obaveze utvrđene članom 94. stav (1) tačka g) Zakona o visokom obrazovanju

Obrazac izjave se može preuzeti sa web stranice Univerziteta u Sarajevu – www.unsa.ba i po tom osnovu čini sastavni dio ovog Konkursa.

Kandidat koji bude izabran dužan je dostaviti:

1. Uvjerenje da nije osuđivan za krivično djelo i da se protiv njega ne vodi krivični postupak;
2. Ovjerenu izjavu da se na istog ne odnosi član IX. stav (1) Ustava Bosne i Hercegovine.

Kandidati su **obavezni potpisati** prijavu na konkurs, biografiju sa bibliografijom i program rada za mandatni period.

Kandidati koji ispune uvjete Konkursa za izbor rektora, javno će prezentirati ponuđeni program na izbornoj sjednici Senata Univerziteta.

III

Rok za prijavu na Konkurs je 15 (petnaest) dana od dana objavljivanja Konkursa u dnevnim novinama i na web stranici Univerziteta u Sarajevu www.unsa.ba

Konkursna dokumentacija uz prijavu se dostavlja u originalu ili ovjerenj kopiji.

Nepotpune i neblagovremene prijave neće se uzeti u razmatranje.

Konkursna dokumentacija se neće vraćati.

Informacije o nadležnostima i odgovornostima, odnosno pravima i obavezama rektora Univerziteta u Sarajevu, dostupne su na web stranici Univerziteta u Sarajevu www.unsa.ba

Prijava na Konkurs sa potrebnim dokazima dostavlja se u zatvorenoj koverti na Pisarnicu Univerziteta u Sarajevu ili putem pošte na adresu:

Univerzitet u Sarajevu
- Komisija za provođenje procedure izbora rektora UNSA -
uz naznaku:
„Prijava na Konkurs za izbor rektora – NE OTVARAJ“
Obala Kulina bana 7/II
71000 Sarajevo